

### III - VISINA NAKNADE I NAČIN PLAĆANJA ZA ISTICANJE REKLAMNIH PANOVA, REKLAMNIH VITRINA, TRANSPARENATA I DISPLEJA

#### Član 26.

Za isticanje reklamnih panoa, reklamnih vitrina, transparenta i displeja plaća se odgovarajuća naknada od strane podnosioca zahtjeva za njihovo isticanje.

#### Član 27.

Visinu naknade i način plaćanja za isticanje reklamnih panoa, reklamnih vitrina, transparenta i displeja utvrđuje načelnik Općine.

Sredstva prikupljena od naknade usmjeravaju se u izgradnju komunalne infrastrukture.

#### Član 28.

Vlasnici reklamnih panoa, reklamnih vitrina, transparenta i displeja dužni su da ih održavaju u čistom i urednom stanju.

Po isteku roka, navedenog u odobrenju, njihovi vlasnici dužni su da ih odmah uklone, a mjesto na kojem su bili postavljeni dovesti u prvobitno stanje.

Ako vlasnik reklamnog panoa, reklamne vitrine, transparenta i displeja ne postupi u skladu sa odredbama iz prethodnog stava, načelnik Općine će izdati nalog ovlaštenoj agenciji za uklanjanje istih i dovođenje u prvobitno stanje, a o trošku podnosioca zahtjeva.

#### Član 29.

Zabranjeno je lijepljenje oglasa na drveće, zidove, izloge, na reprezentativne ugostiteljske objekte i objekte u kojima su smješteni organi uprave i drugi državni organi i organizacije i vjerske zajednice.

#### Član 30.

Smrtovnice se mogu postavljati u blizini pogrebnog preduzeća i društava, grobalja, vjerskih ustanova u naselju gdje je umrla stanovao i na radnim prostorijama gdje je radio, bez odobrenja nadležnog organa.

### IV - REKLAMNE ZASTAVE

#### Član 31.

Reklamne zastave se postavljaju na već određenim mjestima (jarboli, konzole i slično).

#### Član 32.

Zastave koje se obavezno postavljaju povodom državnih praznika, postavljaju se na utvrđenim mjestima.

Ostale zastave postavljaju se po odobrenju nadležnog organa.

### V - NADZOR

#### Član 33.

Nadzor nad provođenjem odredaba ove odluke vrše kantonalni i općinski organi svaki u okviru svoje nadležnosti.

### VI - KAZNENE ODREDBE

#### Član 34.

Novčanom kaznom od 1.000 do 3.000 KM kaznit će se za prekršaj pravno lice ili imalac radnje:

1. ako bez odobrenja ili protivno odobrenju nadležnog organa istakne firmu, reklamu, reklamnu vitrinu, reklamni pano (član 6. ove odluke);
2. ako postupi protivno odredbama člana 7. ove odluke;
3. ako ne postupi po odredbama člana 12. ove odluke;
4. ako u reklamama ističe one proizvode i usluge čije reklamiranje je zakonom zabranjeno (član 13. ove odluke);
5. ako firmu ili reklamu u određenom roku ne dovede u ispravno stanje ili ne ukloni, a mjesto na kojem su se nalazile ne dovede u prvobitno odnosno ispravno stanje ili ako ih ne održava u čistom i urednom stanju (član 14. ove odluke);

6. ako u određenom roku nakon prestanka rada u radnim prostorijama ne ukloni firmu ili reklamu, a mjesto gdje je bila firma ili reklama ne dovede u prvobitno odnosno ispravno stanje (član 15. ove odluke);
7. ako po isteku roka za postavljanje reklamnih panoa, reklamnih vitrina i displeja, ne ukloni iste i ne dovede korišćenu površinu u prvobitno odnosno ispravno stanje (član 17. ove odluke);
8. ako plakate i transparente u određenom roku ne ukloni, a mjesto na kojem su se nalazili ne dovede u prvobitno odnosno ispravno stanje ili ako ih ne održava u čistom i urednom stanju (član 28. ove odluke);
9. ako lijepi oglase na mjestima koja nisu predviđena za tu svrhu ili na mjestima na kojima je zabranjeno lijepljenje oglasa (član 29. ove odluke);
10. ako bez odobrenja ili protivno odobrenju nadležnog organa istakne reklamni plakat, reklamni proizvod ili transparent (član 24. ove odluke);
11. ako bez odobrenja ili protivno odobrenju nadležnog organa postavlja reklamne zastave (član 32. ove odluke);
12. ako ne izvrši rješenje nadležnog inspektorata doneseno u vršenju inspeksijskog nadzora nad sprovođenjem odredaba ove odluke.

Za prekršaje iz stava 1. ovog člana kaznit će se i odgovorno lice u pravnom licu novčanom kaznom od 100 - 300 KM.

Za prekršaj iz stava 1. ovog člana kaznit će se i građanin novčanom kaznom od 100 - 300 KM.

### VII - ZAVRŠNE ODREDBE

#### Član 35.

Rješenje za postavljanje firme, reklama, reklamnih panoa, vitrina i displeja, izdata do stupanja na snagu ove odluke, ostaju na snazi do isteka roka određenog u rješenju.

Rješenja iz prethodnog stava, u kojima nije određen vremenski rok, a izdata su do stupanja na snagu ove odluke, imaju se u roku od jedne godine uskladiti sa odredbama ove odluke.

#### Član 36.

Stupanjem na snagu ove odluke prestaje da važi i Odluka o postavljanju i održavanju firmi, reklama, oglasa i natpisa i osvetljavanju poslovnih prostorija i drugih objekata ("Službene novine grada Sarajeva", broj 5/79).

#### Član 37.

Ova odluka će stupiti na snagu danom objavljivanja u "Službenim novinama Kantona Sarajevo".

Broj 02-49-63/2001	Predsjedavajući Općinskog
2. marta 2001. godine	vijeća Stari grad Sarajevo
Sarajevo	mr. <b>Ismet Ovcina</b> , s. r.

Na osnovu člana 5. Zakona o finansiranju premjera i uspostavljanja katastra nekretnina i rješavanja imovinsko-pravnih odnosa koji su u funkciji uspostavljanja katastra nekretnina \*("Službeni list SRBiH", br. 36/90 i 14/91) i člana 25. Statuta Općine Stari grad Sarajevo ("Službene novine Kantona Sarajevo", br. 10/98 i 17/99), Općinsko vijeće Stari grad Sarajevo, na sjednici održanoj 2. marta 2001. godine, donijelo je

### ODLUKU

### O UČEŠĆU POSJEDNIKA I VLASNIKA NEKRETNINA U FINANSIRANJU IZRADE KATASTRA NEKRETNINA PODRUČJA OPĆINE STARI GRAD SARAJEVO

#### Član 1.

Ovom odlukom utvrđuju se uslovi i načini učešća posjednika i vlasnika nekretnina u finansiranju poslova uspostavljanja i izrade katastra nekretnina na području općine Stari grad Sarajevo.

Član 2.

Posjednici odnosno vlasnici nekretnina (fizičke i pravne osobe) za izvršenje poslova uspostavljanja i izrade katastra nekretnina u smislu ove odluke, obavezni su plaćati izvršene usluge prema slijedećoj tarifi:

Tarifni broj 1.

- a) po rješenju o utvrđivanju prava na nekretninama 30 KM, a po svakoj parceli u rješenju po 4 KM, i po 10 KM po svakom objektu.
- b) po površini nekretnina, kako slijedi:
- do 1000 m<sup>2</sup> 25 KM
  - do 2000 m<sup>2</sup> 40 KM
  - do 3000 m<sup>2</sup> 60 KM
  - preko 3000 m<sup>2</sup> 80 KM

Tarifni broj 2.

Za poslovne objekte svih vrsta djelatnosti, kao i za poslovne objekte u etažnoj svojini, plaća se:

- do 30 m<sup>2</sup> površine objekta ili etaže 50 KM
- do 50 m<sup>2</sup> površine objekta ili etaže 80 KM
- preko 50 m<sup>2</sup> površine objekta ili etaže 100 KM

Tarifni broj 3.

Za stambene objekte za čiji se korisni prostor mjeri i izrađuje tlocrt, a odnosi se na stambene objekte koji su u gradskom građevinskom reonu i sve objekte koji su u etažnom vlasništvu, plaća se:

- do 60 m<sup>2</sup> korisne površine zgrade 30 KM
- do 100 m<sup>2</sup> korisne površine zgrade 50 KM
- do 150 m<sup>2</sup> korisne površine zgrade 80 KM
- preko 150 m<sup>2</sup> korisne površine zgrade 100 KM

Tarifni broj 4.

Za svaki spisak prigovora, po kojima je potrebno izvršiti terenski uvidaj, plaća se 50 KM.

Član 3.

Od obaveze plaćanja naknada, po ovoj odluci, oslobođeni su članovi šehidskih porodica, porodice poginulih boraca i ratni vojni invalidi (RVI), koji imaju preko 60% invaliditeta.

Ratni vojni invalidi do 60% invaliditeta i civilne žrtve rata plaćat će se iznos umanjen sa 30%.

Član 4.

Naknada po ovoj odluci uplaćivat će se prilikom uručjenja rješenja o utvrđenim pravima na nekretninama, na blagajni općine Stari grad Sarajevo, na poseban račun.

Član 5.

Sredstva prikupljena po ovoj odluci koristit će se isključivo za finansiranje uspostavljanja i izrade katastra nekretnina, kao i za nabavku geodetske i informatičke opreme za općinski organ nadležan za geodetske poslove.

Član 6.

Ova odluka stupa na snagu danom donošenja i objavit će se u "Službenim novinama Kantona Sarajevo".

Na osnovu člana 25. Statuta Općine Stari grad Sarajevo ("Službene novine Kantona Sarajevo", br. 10/98 i 17/99) i čl. 7. i 17. Odluke o privremenom korišćenju javnih površina na području Kantona Sarajevo ("Službene novine Kantona Sarajevo", br. 11/97 i 4/98), Općinsko vijeće Stari grad Sarajevo, na sjednici održanoj 2. marta 2001. godine, donijelo je

**ODLUKU**

**O PRIVREMENOM KORIŠĆENJU JAVNIH POVRŠINA NA PODRUČJU OPĆINE STARI GRAD SARAJEVO**

Član 1.

Ovom odlukom regulišu se uslovi, kriteriji i visina naknade za korišćenje javnih površina na području općine Stari grad Sarajevo (u daljem tekstu: Općina) za 2001. godinu.

Član 2.

Dodjelu lokacija i izdavanje odobrenja za privremeno korišćenje javnih površina vrši načelnik Općine.

Odobrenja za privremeno korišćenje javnih površina izdaju se za period utvrđen Odlukom Kantona Sarajevo.

Član 3.

Javne površine na području općine podijeljene su u pet zona.

**I zona obuhvata ulice:** Trg Oslobođenja, Fra Grge Martića, Štrosmajerova, Ferhadija, Sarači, M. M. Bašeskije od ulice Besarina čikma do ulice Telali, Gajev trg.

**II zona obuhvata ulice:** Bašćaršijski trg, Ćumurija, Dženetića čikma, Gazihusrefbegova, Kvadrant XI, M. M. Bašeskije od ulice Niže banje do ulice Koturova, Trgovke, Zelenih beretki, Bravadžiluk, Bravadžiluk mali, Kundurdžiluk, park "At mejdan".

**III zona obuhvata ulice:** Abadžiluk, Aščiluk, Alifakova do raskršća sa ulicom Veliki Alifakovac, Bazardžani, Bentbaša, Bistrik do ulice Bakarevića, Brodac, Čizmedžiluk, Ćulhan, Ćurčiluk mali, Ćurčiluk veliki, Despićeva, Đulagina, Đulagina čikma, Franjevačka, Halači, Hamdije Kreševljakovića, Jelića, Josipa Štadlera, Kazandžiluk, Kazazi, Konak, Kovači, Kračule, Kujundžiluk, Luledžina, Logavina do raskršća sa ulicom Toromanova, Mudželeti mali, Mudželeti veliki, Muse Ćazima Ćatića do raskršća sa ulicom Potoklinica, Mustaj pašin Mejdan, Obala Isa bega, Ishakovića, Obala Kulina bana, Oprkanj, Pehlivanuša, Pertakijina, Prote Bakovića, Safvet bega Bašagića do raskršća sa ulicom Ulomljenica, Sagrdžije do raskršća sa ulicom Ćemerlina, Saliha Hadžihuseinovića Muvekiti, Sime Milutinovića Sarajlije, Šahinagića, Šeher Ćehaina čikma, Tabaci, Telali, Velika avlija, Vladisava Skarića, M. M. Bašeskije od ulice Koturova do ulice Besarina čikma.

**IV zona obuhvata ulice:** Alajbegovića, Besarina čikma, Bistrik iza ulice Bakarevića do obilaznice, Bijela čikma, Ekmića čikma, Hadžidamjanova, Jankovića čikma, Jaroslava Černija, Logavina od raskršća sa ulicom Toromanova do kraja, Koturova, Na Varoši, Muse Ćazima Ćatića od raskršća sa ulicom Potoklinica do kraja, Saburina, Sagrdžije od raskršća sa ulicom Ćemerlina do kraja, Safvet bega Bašagića od raskršća sa Ulomljenicom, Todora Švrakića.

**V zona obuhvata sve ostale ulice** na području općine koje nisu uvrštene u naprijed navedene zone.

Član 4.

Naknada za postavljanje slobodnostojećih ljetnih bačči utvrđenih Elaboratom kojeg donosi Vlada Kantona Sarajevo utvrđuje se u početnom iznosu od 20,00 KM po kvadratnom metru.

Konačna visina naknade iz prethodnog stava utvrdit će se na osnovu ponude za svaku pojedinačnu lokaciju.

Član 5.

Naknada za postavljanje slobodnostojećih ljetnih bačči izvan područja obuhvaćenog Elaboratom utvrđuje se u početnom iznosu od 10,00 KM po kvadratnom metru.